

體第二方便俗諦為體此二並攝境

能生智取能生之境為方便體也

第三方便正行為體第四方便共利

為體第五方便依止為體雖有五意

亦不出四義前兩是方便緣緣次一

是正方便第四是方便果由此方便

得自他兩利故第五是方便依止亦

名為因因依此智方便得成故依止

無二智者在因位中於生死涅槃二

處元尋何以故由愛眾生不受生死

故在果位中入涅槃有更起心如小

乘說佛入元心定還更起心也此智

於因果兩位无著不著無在不在无

著不著者異凡夫二乘故不著生死

涅槃元在不在者據於果地二乘所

在有餘无餘涅槃涅槃故不在有更

起心故非不在是故應知佛智元等

何以故餘人智者或者生死或者涅

槃佛則不介此智能利益一切眾生

何以故能成就自利利他故餘人智

者或但自利或不兩利以是故故佛

智不可思惟二處不著故為利益自

他功能為解脫涅槃不般涅槃故三

元性論卷 第二十四

無性品

三無性論卷下

癸卯歲高麗國大藏都監奉
勅雕造

三無性論卷 第三

發菩提心經論卷上

天親菩薩造

後秦龜茲國三藏鳩摩羅什譯

勸發品第一

敬禮無邊際 去果現在佛 等空不動智

救世大悲尊

有大方等最上妙法摩得勒迦藏菩

薩摩訶薩之所修行所謂勸樂修集

尤上菩提能令眾生發深廣心建立

誓願畢定莊嚴捨身命財攝伏貪恡

修五聚戒化導犯禁行畢竟忍調伏

瞋尋發勇精進安止眾生集諸權定

為知眾心修行智慧滅除無明入如

實門離諸執著宣示甚深空無相行

稱讚功德使佛種不斷有如是等無

量方便助菩提法清淨之門當為一

初上上善欲分別顯示悉令究竟阿

耨多羅三藐三菩提諸佛子若佛子

受持佛語能為眾生演說法者應先

稱揚佛之功德眾生聞已乃能發心

求佛智慧以發心故佛種不斷若此

比丘比丘優婆塞優婆夷念佛法又

念如求行菩薩道時為求法故阿僧祇
劫受諸勤苦以如是念為菩薩說法
乃至一偈菩薩得聞是法示教利喜
當種善根修習佛法得阿耨多羅三
藐三菩提為斷无量眾生元始生死
諸苦惱故菩薩摩訶薩欲成無量身
心勤修精進深發大願行大方便起大
慈悲求大智慧元見頂相求如是等
諸佛大法當知是法無量无边法无
量故福德果報亦復无量如來說言
如諸菩薩取初發心下劣一念福德
果報百千萬劫說不能盡况復一日一
月一歲乃至百歲所習諸心福德果
報豈可說盡何以故菩薩所行無盡
欲令一切眾生皆住無生法忍得阿耨
多羅三藐三菩提故諸佛子菩薩初
始發菩提心譬如大海初漸起時當
知皆為下中上價乃至无價如意寶
珠作所住處此寶皆從大海生故菩
薩發心亦復如是初漸起時當知便
為人天聲聞緣覺諸佛菩薩一切善法
禪定智慧之所生處復次又如三千大
千世界初漸起時當知便為二十五

大千世界初漸起時當知便為二十五

有其中所有一切眾生悉皆荷負作
依止處善發菩提心亦復如是初
漸起時普為一切無量眾生所謂六趣
四生正見邪見修善習惡護持淨戒
犯四重禁尊奉三寶謗毀正法諸魔
外道沙門梵志刹利婆羅門毗舍首
陀一切荷負作依止處復次菩薩發
心慈悲為首菩薩之慈無邊无量是
故發心元有齊限等眾生界譬如虛
空元不普覆菩薩發心亦復如是一
切眾生无不覆者如眾生界元量無
邊不可窮盡菩薩發心亦復如是無
量无边無有窮盡虛空元盡故眾生
無盡眾生元盡故菩薩發心等眾生
界眾生界者元有齊限我今當承聖
言說其少分東方盡千億恒河沙阿
僧祇諸佛世界南西北方四維上下
各千億恒河沙阿僧祇諸佛世界盡
亦為塵此諸微塵皆不與肉眼作
對百萬億恒河沙阿僧祇三千大千
世界所有眾生悉共聚集共取一塵
二百萬億恒河沙阿僧祇三千大千
世界所有眾生共取二塵如是展轉

展轉

取十方各千億恒河沙阿僧祇諸佛
世界所有地種微塵都盡是眾生界
猶不可盡譬如有人指破一毛以為
百分以一分毛滲大海水我今所說
眾生少分亦復如是其不說者如大
海水假使諸佛於元量無邊阿僧祇
劫廣演譬喻說亦不盡菩薩發心慈
能遍覆如是眾生云何諸佛子是菩
提心豈可盡也若有菩薩聞如是說
不驚不怖不退不沒當知是人決定
能發菩提之心假令元量一切諸佛
於元量阿僧祇劫讚其功德亦不可
盡何以故是菩提心無有齊限不可
盡故有如是等元量利益是故宣說
為令眾生普得受行發菩提心

發菩提心經論發心品第二

菩薩云何發菩提心以何因緣修集
菩提若菩薩親近善知識供養諸佛
修集善根志求勝法心常柔和遭苦
能忍慈悲淳厚深心平等信樂大樂
求佛智慧若人能具如是十法乃能
發阿耨多羅三藐三菩提心復有四
發心修集无上菩提何謂為四一

者思惟諸佛發菩提心二者觀身過患發菩提心三者慈愍眾生發菩提心四者求取勝果發菩提心思惟諸佛復有五事一者思惟十方過去未來現在諸佛初始發心具煩惱性亦如我今終成正覺為無上尊以此緣故發菩提心二者思惟一切三世諸佛發大勇猛各各能得無上菩提若此菩提是可得法我亦應得緣此事故發菩提心三者思惟一切三世諸佛發大明慧於無明殼中建立勝心積集苦行皆能自拔超出三界我亦如是當自拔濟緣此事故發菩提心四者思惟一切三世諸佛為人中雄皆度生死煩惱大海我亦丈夫亦當能度緣此事故發菩提心五者思惟一切三世諸佛發大精進捨身命財求一切智我今亦當隨學諸佛緣此事故發菩提心觀身過患發菩提心復有五事一者自觀我身五陰四大俱能興造无量惡業欲捨離故二者自觀我身九孔常流臭穢不淨生欲離故三者自觀我身有貪瞋癡无

發菩提心論卷一 第五疏

量煩惱燒然善心欲除滅故四者自觀我身如泡如沫念念生滅是可捨法欲棄捨故五者自觀我身无明所覆常造惡業輪迴六趣無利益故求取勝果發菩提心復有五事一者見諸如來相好莊嚴光明清徹過者除惱為修集故二者見諸如來法身常住清淨无染為修集故三者見諸如來有戒定慧解脫解脫知見清淨法聚為修集故四者見諸如來有十力四無所畏大悲三念處為修集故五者見諸如來有一切智憐愍眾生慈悲普覆能為一切愚迷正道為修集故慈眾生發菩提心復有五事一者見諸眾生為无明所縛二者見諸眾生為眾苦所纏三者見諸眾生集不善業四者見諸眾生造極重惡五者見諸眾生不修正法無明所縛復有四事一者見諸眾生為癡愛所惑受大劇苦二者見諸眾生不信因果造作惡業三者見諸眾生捨離正法信受邪道四者見諸眾生沒煩惱河四流所漂眾苦所纏復有四事一者見諸

發菩提心論卷一 第一疏

眾生畏生老病死不求解脫而復造業二者見諸眾生憂悲惱苦而常造作无有休息三者見諸眾生愛別離苦而不覺悟方便染著四者見諸眾生悲憎會苦常起熾熾更復造惡集不善業復有四事一者見諸眾生為愛欲故造作諸惡二者見諸眾生知欲生苦而不捨欲三者見諸眾生雖欲求樂不具戒足四者見諸眾生雖不樂苦造苦不息造極重惡復有四事一者見諸眾生毀犯重戒雖復憂懼而猶放逸二者見諸眾生興造極惡五元間業四頑自蔽不生慚愧三者見諸眾生誘毀大乘方等正法專愚自執方起憍慢四者見諸眾生雖懷慈悲而具斷善根反自貢高永无改悔不修正法復有四事一者見諸眾生生於八難不聞正法不知修善二者見諸眾生值佛出世聞說正法不能受持三者見諸眾生染習外道苦身修業永離出要四者見諸眾生修得非想非非想定謂是涅槃善報既盡還墮三塗苦薩見諸眾生无明

發菩提心論卷一 第七疏

造業長夜受苦捨離正法迷於出路
為是等故發大慈悲志求阿耨多羅
三藐三菩提如救頭燃一切眾生有
苦惱者我當拔濟令無有餘諸佛子
我今略說初行菩薩緣事發心善廣
說者无量無邊

發菩提心經論頌指品第三

菩薩云何發趣菩提以何業行成就
菩提發心菩薩住乾慧地先當堅固
發於正願攝受一切无量眾生我求
无上菩提救護度脫令無有餘皆令
究竟无餘涅槃是故初始發心大悲
為首以悲心故能發轉勝十大正願
何謂為十願我先世及以今身所種
善根以此善根施與一切无边眾生
志共迴向无上菩提令我此願念增
增長世世所生常繫在心終不忘失
為陀羅尼之所守護願我迴向大菩
提已以此善根於一切生處常得供養
一切諸佛永不生无佛國土願我得
生諸佛國已常得親近隨侍左右如
影隨形无刹那頃遠離諸佛願我得
親近佛已隨我所應為我說法即得

發菩提心經論上卷 第三十頌

成就菩薩五通願我成就菩薩五通
已即能通達世諦假名流布解了第
一義諦如真實性得正法智願我得正
法智已以無欺心為眾生說示教利
善皆令開解願我能開解諸眾生已
以佛神力遍至十方无餘世界供養
諸佛聽受正法廣攝眾生願我於諸
佛所受正法已即能隨轉清淨法輪
十方世界一切眾生聽我法者聞我
名者即得捨離一切煩惱發菩提心
願我能令一切眾生發菩提心已常
隨將護除无利益與无量樂捨身命
財攝受眾生荷負正法願我能負荷
正法已雖行正法心無所行如諸菩
薩行於正法而无所行亦无不行為
化眾生不捨正願是名發心菩薩十
大正願此十大願遍眾生界攝受一
切恒沙諸願若眾生盡我願乃盡而
眾生實不可盡我此大願亦无有盡
復次布施是菩提因攝取一切諸眾
生故持戒是菩提因具足眾善滿本
願故忍辱是菩提因成就三十二相
八十隨形好故精進是菩提因增長

發菩提心經論上卷 第三十頌

善行於諸眾生勤教化故禪定是菩
提因菩薩善自調伏能知眾生諸心行
故智慧是菩提因具足能知諸法性
相故取要言之六波羅蜜是菩提正
因四无量心三十七品諸善行共
相助成若菩薩修集六波羅蜜隨其
所行漸漸得近阿耨多羅三藐三菩
提諸佛子求菩提者應不放逸放逸
之行能壞善根若菩薩制伏六根不
放逸者是人能修六波羅蜜菩薩發
心先建至誠立決定捨立捨之人終
不放逸懈怠慢緩何以故立決定捨
有五事持故一者能堅固其心二者
能制伏煩惱三者能遮放逸四者能
破五蓋五者能勤修行六波羅蜜如
佛所讚如求大智尊願說功德證忍
慧福業力捨願力取勝云何立捨若
有人來種種求索我於今時隨有施
與乃至不生一念慳吝之心若生惡
心如彈指頃以施因緣求淨報者我
即欺十方世界无量無邊阿僧祇現
在諸佛於未來世亦當必定不成阿
耨多羅三藐三菩提若我持戒乃至

發菩提心經論上卷 第三十頌

失命建立淨心捨无改悔若我修忍
為他侵害乃至割截常生慈受捨无
患尋若我修精進遭逢寒暑王賊水
火師子虎狼无水穀處要必堅強其
心捨不退沒若我修禪為外事所燒
不得攝心要繫念在境捨不暫起非
法乱想若我修集智慧慈觀一切法如
實性隨順受持於善不善有為无為
生死涅槃不起二見若我心悔慈尋
退沒乱想起於二見如彈指頃而以
戒忍精進禪智求淨報者我即欺十方
世界无量无边阿僧祇現在諸佛於
未來世亦當必定不成阿耨多羅三
藐三菩提菩薩以十大願持正法行
以六大捨制放逸心必能精勤修集
六波羅蜜成阿耨多羅三藐三菩提
發菩提心經論攝波羅蜜品第四

發菩提心經論上卷 第十一

慈心如一子想隨所須與心善恭敬
是名菩薩初修施心修布施故善名
流布隨所生處財寶豐盈是名自利
能令眾生心得滿足教化調伏使無慳
怯是名利他以已所修无相大施化諸
眾生令同已利是名俱利因修布施得
得轉輪王位攝受一切無量眾生乃至
得佛无盡法藏是名莊嚴菩提之道
施有三種一以法施二無畏施三財
物施以法施者勸人受戒修出家心
為壞邪見說斷常四倒眾惡過患令
別開示真諦之義讚精進功德說放
逸過惡是名法施若有眾生怖畏王
者師子虎狼水火盜賊菩薩見已能
為救護名无畏施自於財物施而不
怯上至珍寶象馬車乘繒帛穀麥衣
服飲食下至妙博一縷之絁若多若
少稱求者意隨所須與之名財施
施復有五種一者至心施二者信心施
三者隨時施四者自手施五者如法
施所不應施復有五事非理求財不
以施人物不淨故酒及毒藥不以施
人乱眾生故置羅網不以施人惱
眾生故刀杖弓箭不以施人二眾生

故音樂女色不以施人壞淨心故取
要言之不如法物惱乱眾生不以施
人自餘一切能令眾生得安樂者名
如法施樂施之人復獲五種名聞善
利一者常得親近一切賢聖二者一
切眾生之所樂見三者入大眾時人
所宗敬四者好名善譽流聞十方五
者能為菩提作上妙因菩薩之人各
一切施一切施者非謂多財謂施心
也如法求財持以布施名一切施以
清淨心无諂曲施名一切施見貧窮
者憐愍心施名一切施見厄苦者慈
悲心施名一切施居貧少財而能用
施名一切施愛重寶物開意能施名
一切施不觀持或毀戒因非田施名
一切施不求人天妙善樂施名一切施
志求元上大菩提施名一切施欲施
施時施已不悔名一切施若以華施
具陀羅尼七覺華故若以香施具戒
定慧熏塗身故若以果施具足成就
无漏果故若以食施具足命辯色力
樂故以衣服施具清淨色除無慚愧故
以燈明施具足佛眼照了一切諸法

發菩提心經論上卷 第十一

性故以象馬車乘施得无上乘具足神通故以纓絡施具足八十隨形好故以珍寶施具足大人三十二相故以筋力僕使施具佛十力四無畏故取要言之乃至國城妻子頭目手足舉身施與心无慍惜為得上善提度衆生故菩薩摩訶薩修行布施不見財物施者受者以无拒故是則具足檀波羅蜜

發菩提心經論尸羅波羅蜜第五

云何菩薩修行持戒持戒若為自利他利及二俱利如是持戒則能莊嚴菩提之道菩薩為欲調伏衆生令離苦惱是故持戒修持戒者爲淨一切身口意業於不善行心能捨遠善能呵責惡行毀禁於小罪中心常恐怖是名菩薩初持戒心修持戒故遠離一切諸惡過患常生善處是名自利教化衆生令不犯惡是名利他以己所修向菩提戒化諸衆生令同己利是名俱利因修持戒獲得離欲乃至漏盡成實正覺是名莊嚴菩提之道戒有三種一者身二者口三者心持

發菩提心經論卷第五

身戒者永離一切殺盜淫行不奪物命不侵他財不犯外色又亦不為殺等因緣及其方便不以杖木瓦石傷害衆生若物屬他所受用一草一葉不與不取又亦未嘗眴眯細色於四威儀恭謹詳審是名身戒持口戒者斷除一切妄語兩舌惡口綺語常不欺誑離間和合誹謗毀譽文飾言辭及造方便惱觸於人言則至誠柔軟忠信言常饒益勸化修善是名口戒持心戒者除滅貪欲瞋恚邪見常修軟心不作過罪信是罪業得惡果報思惟力故不造諸惡於輕罪中生極重想設誤作者恐怖憂悔於衆生所不起瞋惱見衆生已生愛念心知恩報恩心无慍慍樂作福德常以化人常修慈心憐愍一切是名心戒是十善業戒有五事利益一者能制惡行二者能作善心三者能遮煩惱四者成就淨心五者能增長戒若人善修不放逸行具足正念分別善惡當知是人決定能修十善業戒八万四千無量戒品皆攝在十善戒中是十

發菩提心經論卷第五

善戒能為一切善戒根本斷身口意惡能制一切不善之法故名為戒戒有五種一者波羅提木叉戒二者定共戒三者无漏戒四者攝根戒五者提木叉戒根本四禪初禪未到名无漏戒定共戒根本四禪初禪未到名无漏戒攝諸根修正念心見聞覺知色聲香味觸不生放逸名攝根戒捨身後世更不作惡名无作戒菩薩修戒不與聲聞辟支佛共以不共故名善持戒善持戒故則能利益一切衆生持慈心戒救護衆生令安樂故持悲心戒忍受諸苦拔危難故持喜心戒歡樂修善不懈怠故持捨心戒慈觀平等離愛惡故持惠施戒教化調伏諸衆生故持忍辱戒心常柔軟无恚尋故持精進戒善業日增不退還故持禪定戒離欲不善長禪支故持智慧戒多聞善根无厭足故持親近善知識戒助成菩提无上道故持遠離惡知識戒捨離三惡八難處故菩薩之人持淨戒者不依欲界不近色界不

發菩提心經論卷第五

住无色界是清淨戒捨離欲塵除瞋
恚尋滅無明障是清淨戒離斷常二
邊不逆因緣是清淨戒不着色受想
行識假名之相是清淨戒不繫於因
不起諸見不住疑悔是清淨戒不住
貪瞋癡三不善根是清淨戒不住我
憍憍增上憍憍憍大憍柔和尚順是
清淨戒利衰毀譽稱讚苦樂不以順
動是清淨戒不染世諦虛妄假名順
於真諦是清淨戒不惱不熱寂滅離
相是清淨戒取要言之乃至不惜身
命觀无常想生於歇離勤行善果勇
猛精進是清淨戒善薩摩訶薩修行
持戒不見淨心以離想故是則具足
尸羅波羅蜜

發菩提心經論攝提波羅蜜品第六

云何菩薩修行忍辱忍辱若為目利
他利及二俱利如是忍辱則能生威
善提之道菩薩為欲調伏眾生令離
苦惱故修忍辱修忍辱者心常謙下
一切眾生剛強憍憍捨而不行見獲
惡者起憍憍心言常柔濡勸化修善
能分別說瞋恚和忍果報差別是名

發菩提心經論卷下 第六

菩薩初忍辱心修忍辱故遠離怨
身心安樂是名自利化導眾生行令
和順是名利他以已所修无上大忍
化諸眾生令同己利是名俱利因修
忍辱獲得端政人所恭敬乃至得佛
上妙相好是名莊嚴菩提之道忍辱
有三謂身口意云何身忍若他加惡
侵毀搗打乃至傷害若能忍受見諸
眾生危逼恐懼以身代之而無疲怠
是名身忍云何口忍若見罵者默受
不報若見非理來呵責者當濡語附
順若有加誣橫生誹謗皆當忍受是
名口忍云何意忍見有瞋者心不懷恨
若有觸惱其心不乱若有譏毀心亦
無恚是名意忍世間打者有二種一
者實二者橫若有罪過若人懷疑為
彼所打自應忍受如眼甘露於彼人
所應生恭敬所以者何若能教誡調
伏於我今我得離諸過罪故若橫加
惡傷害於我當自思惟我今无罪當
是過去宿業所招是亦應忍復應思
念四大假合五眾緣會誰受打者又
觀前人如癡如狂我當忍之云何下

發菩提心經論卷下 第六

忍又罵者亦有二種一實二虛若說
實者我應生慙若說虛者无豫我事
猶如響聲亦如風過無損於我是故
應忍又瞋者亦尔他來瞋我我當忍
受若瞋彼者於未来世當墮惡道受
大苦惱以是因緣我身若被所截分
離不應生瞋應當深觀往業因緣當
修慈悲憐愍一切如是小苦不能忍
若我即不能自調伏心云何當能調
伏眾生令得解脫一切惡法成无上
果若有智人樂修忍辱是人常得願
望端正多饒財寶人見歡喜敬仰伏
從復當觀察若人形殘顏色醜惡諸
根不具乏於財物當知皆是瞋因緣
得以是因緣智者應當深修忍辱生
忍因緣有十事一者不觀於我及我
所相二者不念種姓三者破除憍憍
四者惡來不報五者觀无常想六者
修於慈悲七者心不放逸八者捨於
飢渴苦樂等事九者斷除瞋恚十者
修習智慧若人能成如是十事當知
是人能修於忍菩薩摩訶薩修於清
淨畢竟忍時若入空無相无願無作

發菩提心經論卷下 第六

不與見覺願作和合不荷著空無相
元願無作是諸見覺願作皆空如是
忍者是無二相是名清淨畢竟心也
若入盡結若入寂滅不與結生死合
不荷盡結寂滅諸結生死皆空如是
忍者是無二相是名清淨畢竟心也
若性不自生不從他生不和合生亦
元有出不可破壞不可壞者是不可
盡如是忍者是無二相是名清淨畢
竟忍也無作非作无所荷著無分別
无在無修治无發達終不造生如
是忍者是無生忍如是菩薩修行是
忍得受記忍菩薩摩訶薩修行忍辱
性相盡空无衆生故是則具足羅漢
波羅蜜

發菩提心經論卷上

癸卯歲高麗國大藏都監奉
勅雕造

發菩提心經論卷上 第二頌 盡

發菩提心經論卷下

盡

大觀菩薩造

後秦龜茲國三藏鳩摩羅什譯

毗梨耶波羅蜜品第七

云何菩薩修行精進精進若為自利
他利及二俱利如是精進則能莊嚴
菩提之道菩薩為欲調伏衆生令離
苦惱故修精進精進者於一切時
常勤修集清淨梵行捨離怠慢心
不放逸於諸艱難不饒益事心常精
勤終不退沒是名菩薩初精進心修
精進故能得世間出世間上妙善法
是名自利教化衆生令勤修善是名
利他以已所修菩提正因化諸衆生
令同已利是名俱利因修精進獲得
轉勝清淨妙果超越諸地乃至速成
正覺是名莊嚴菩提之道精進有二
種一者為求無上道故二者廣欲拔
濟衆苦而起精進菩薩成就十念乃
能發心勤行精進云何十念一者念佛
無量功德二者念法不思議解脫三
者念僧清淨无染四者念行大慈安

立衆生五者念行大悲拔濟衆苦六
者念正定聚勸樂修善七者念邪定
聚拔令反本八者念諸餓鬼飢渴熱
惱九者念諸畜生長受衆苦十者念
諸地獄備受燒煮菩薩如是思惟十
念三寶功德我當修集慈悲正定我
當勸勵邪定衆生三惡道苦我當拔
濟如是思惟專念不亂日夜勤修無
有休廢是名能起正念精進菩薩精
進復有四事所謂修行四正勤道未
生惡法遮令不起已生惡法速令除
斷未生善法方便令生已生善法修
滿增廣菩薩如是修四正勤道而
无休息是名精進是勤精進能壞一
切諸煩惱界增長无上菩提正因菩
薩若能受於一切身心大苦為欲安
立諸衆生故而不疲憊是名精進菩
薩遠離惡時諛曲邪精進已修正精
進所謂修信施戒忍定慧慈悲喜捨
欲作已作當作至心常行精進无悔
於諸善法及拔濟衆苦如救頭然心
不退沒是名精進菩薩雖復不惜身
命然為拔濟衆苦教護正法當應受

發菩提心經論卷下 第二頌 盡

愍不捨感儀常修善法修善法時心
无懈怠失身命時不捨如法故名善
薩修善提道勤行精進懈怠之人不
能一時一切布施不能持戒忍於眾
苦勤行精進攝心念定分別善惡是
故說言六波羅蜜因於精進而得增長
若菩薩摩訶薩精進增上則能疾得
阿耨多羅三藐三菩提菩薩發大莊
嚴而起精進復有四事一者發大莊
嚴二者積集勇健三者修諸善根四
者教化眾生云何菩薩發大莊嚴於
諸生死心能堪忍不計劫數於无量
無邊百千萬億那由他恒河沙阿僧
祇劫當成佛道心不疲倦是不懈
莊嚴精進菩薩積集勇健而起精進
若三千大千世界滿中盛火為見佛
故為聞法故為安止眾生於善法故
要當從是火中而過為調伏眾生心
善安止於大悲中是名勇健精進菩
薩修習善根而起精進云所發起一
切善根悲以迴向阿耨多羅三藐三
菩提為欲成就一切智故是名修習
善根精進菩薩教化眾生而起精進

發菩提心經論下卷 第二十一

眾生之性不可稱計無量无边同生
空界菩薩立捨我當度之无有遺餘
為欲化度勤行精進是名教化精進
取要言之菩薩修助道功德助無上
智慧修集佛法而起精進諸佛功德
无量无边菩薩摩訶薩發大莊嚴而
行精進亦復如是无量无边菩薩摩
訶薩修行精進无離欲心拔眾苦故
是則具足毗黎耶波羅蜜

發菩提心經論禪那波羅蜜品第八

云何菩薩修習禪定禪定若為自利
他利及二俱利如是禪定則能莊嚴
菩提之道菩薩為欲調伏眾生令離
苦惱故修禪定修禪定者善攝其心
一切亂想不令妄行住坐卧係念
在前逆順觀察觸體項脊臂肘脇脇
髀髀胫踝安般數息是名菩薩初修
定心修定故不受眾惡心常悅樂
是名自利教化眾生令修正念是名
利他以已所修清淨三昧離惡覺觀
化諸眾生令同已利是名俱利因修
禪定獲得八解乃至首楞嚴金剛三
昧是名莊嚴菩提之道禪定由三法

發菩提心經論下卷 第二十二

生云何為三一彼聞慧二後思慧三
從修慧從是三法漸漸而生一切三
昧云何聞慧如所聞法心常愛樂復
作是念无尋解脫等諸佛法要因多
聞而得成就作是念已於一切求法
時轉加精勤日夜常樂聽法无有厭
足是名聞慧云何思慧思念觀察一
切有為法如實相所謂无常苦空無
我不淨念念生滅不久敗壞而諸眾
生憂悲苦惱憎愛所繫但為貪恚癡
火所然增長後世苦惱大聚无有實
性猶如幻化見如是已於一切有為
法即生厭離轉加精勤趣佛智慧惟
如來智慧不可思議不可稱量有大
勢力无能勝者能至无畏安隱大城
不復轉還能救无量苦惱眾生如
是知見佛无量智見有為法无量苦
惱志願進求無上大樂是名思慧云
何修慧從初骨觀乃至阿耨多羅三
藐三菩提皆名修慧離欲不善法有
覺有觀離生喜樂入初禪滅覺觀內
清淨心一處无覺無觀定生喜樂入
二禪離喜故行捨心念安慧身受樂

發菩提心經論下卷 第二十三

諸賢聖能說能持常念受樂入三禪斷苦斷樂故先滅憂喜故不苦不樂行捨念淨入四禪過一切色相滅一切有對相不念一切別異相故知無邊虛空即入虛空无色定處過一切虛空相知無邊識即入無色識定處過一切識相知无所有即入無所有無色定處過一切无所有處知非有想非无想安隱即入无色非有想非无想處但隨順諸法行故而不樂著求无上乘成取正覺是名修慧菩薩從是聞思修慧精勤攝心則能成就通明三昧禪那波羅蜜

復次菩薩修定復有十法行不與聲聞辟支佛共何等十一者修定無有吾我具足如來諸禪定故二者修定不味不著捨離染心不求已樂故三者修定具諸通業為知眾生諸心行故四者修定為知眾心度脫一切諸眾生故五者修定行於大悲斷諸眾生煩惱結故六者修定諸禪三昧善知入出過於三界故七者修定常得自在具足一切諸善法故八者修定其

發菩提心經論卷第六

心寂滅於二乘諸禪三昧故九者修定當入智慧過諸世間到彼岸故十者修定能與正法紹隆三寶使不斷絕故如是定者不與聲聞辟支佛共復次為知一切眾生煩惱心故是故修集諸禪定法助成住心令此禪定住平等心是名為定如是等定則等於空无相無願无作空無相无願无作等者則眾生等眾生等者則諸法等入如是等是名為定復次菩薩隨世行不離於世捨世八法滅一切結遠離憒內樂於獨處菩薩如是修行禪定心安止住離世所作復次菩薩修定具諸通智方便慧故云何為通云何為智若見色相若聞音聲若知他心若念過去若能通至諸佛世界是名為通若知色即法性解了音聲心行性相寂滅三世平等如諸佛界同虛空相而不證滅盡是名為智云何方便云何為慧入禪定時生大慈悲不捨捨願心如金剛觀諸佛世界莊嚴善提道場是名方便其心寂寂无我無眾生思惟諸法不挂不

發菩提心經論卷第六

亂見諸佛界同於虛空觀所莊嚴同於寂滅是名為慧是名菩薩修行禪定通智方便慧故老別四事俱行得近阿耨多羅三藐三菩提菩薩摩訶薩修行禪定无餘惡心以不動法故是則具足禪那波羅蜜

發菩提心經論般若波羅蜜品第九

云何菩薩修習智慧智慧若為自利他利及二俱利如是智慧則能莊嚴菩提之道菩薩為欲調伏眾生令離苦惱故修智慧修智慧者悲學一切世間之事捨貪瞋癡建立慈心憐愍饒益一切眾生常念拔濟為作將導能分別說正道邪道及善惡報是名菩薩初智慧心修智慧故遠離无明除煩惱障及智慧障是名自利教化眾生令得調伏是名利他以己所修無上菩提化諸眾生令同己利是名俱利因修智慧獲得初地乃至薩婆若智是名莊嚴菩提之道菩薩修行智慧有二十心能漸建立何謂二十當發善欲親近善友心捨離憍慢不放逸心隨順教誨樂聽法心問法無

發菩提心經論卷第六

默善思惟心行四梵行修正智心觀
不淨行生厭離心觀四真諦十六聖
心觀十二因緣修明慧心聞諸波羅
蜜念欲修集心觀无常苦無我寂滅
心觀空无相無願无作心觀陰界入
多過患心降伏煩惱非伴侶心護諸
善法自伴侶心抑制惡法令除斷心
修習正法令增廣心雖修二乘常捨
離心聞菩薩藏樂奉行心自利利他
隨順增進諸善業心持真實行求一
切佛法心復次菩薩修行智慧復有
十法善思惟心不與聲聞辟支佛共
何謂為十思惟分別定慧根本思惟
不捨斷常二邊思惟因緣生起諸法
思惟无衆生我人壽命思惟无三世
去來住法思惟无發行而不斷因果
思惟法空而殖善不懈思惟无相而
度衆生不廢思惟无願而求菩提不
離思惟无作而現受身不捨復次菩
薩復有十二善入法門何謂十二善
入空等三昧而不取證善入諸禪三
昧而不隨禪生善入諸通智而不證
无漏法善入內觀法而不證決定善

發菩提心經論下卷 第七張 盡

入觀一切衆生空寂而不捨大慈善
入觀一切衆生無我而不捨大悲善
入生諸惡趣而非業放生善入離欲
而不證離欲法善入捨所欲樂而不
捨法樂善入捨一切戲論諸覺而不
捨方便諸觀善入思量有為法多過
患而不捨有為善入无為法清淨遠
離而不住無為菩薩能修一切善入
法門即能善解三世空无所有若作
是觀觀三世空智慧力故若於三世
諸佛所種无量功德志以迴向無上
菩提是名菩薩善觀三世方便復次
雖見過去盡法不至未來而常修善
精進不懈觀未來法雖无生出而不捨
精進願向菩提觀現在法雖念念滅
其心不忘發趣菩提是名菩薩觀三
世方便過去已滅未來未至現在不
住雖如是觀心心數法生滅散壞而
常不捨聚集善根助菩提法是名菩
薩觀三世方便復次菩薩觀一切善
不善我无我實不實空不空世諦真
諦正定邪定有為无為有漏無漏黑
法白法生死涅槃如法界性一相無

發菩提心經論下卷 第十張 盡

相此中无法可名無相亦无有法以
為無相是則名為一切法印不可壞
印於是印中亦无印相是名真實智
慧方便般若波羅蜜發菩提心菩薩
摩訶薩應如是學應如是行如是行
者即近阿耨多羅三藐三菩提菩薩
摩訶薩修行智慧心无所行法性淨
故是則具足般若波羅蜜

發菩提心經論如實法門品第十

若善男子善女人修習六波羅蜜求
阿耨多羅三藐三菩提者應離七法
何等為七一者離惡知識惡知識者
所謂教人捨離上信上欲上精進集
衆難行二者離於女色貪著嗜欲狎
習世人而與執事三者離於惡覺自
觀形容貪惜愛重染著守護謂可久
保四者離於瞋恚暴慢嫉忌興起諍
訟壞乱善心五者離於放逸憍慢懈
怠自恃小善輕蔑於人六者離於外
道書論及世俗文頌綺飾言辭非佛
所說不應讚誦七者不應親近邪見
惡見如是七法所應遠離如來說言
不見更有餘法深障佛道如此七法

發菩提心經論下卷 第十張 盡

是故菩薩應當遠離若欲疾得无上
菩提當修七法何謂為七一者菩薩
當親近善知識善知識者所謂諸佛
及諸菩薩若聲聞人能令菩薩住深
法藏諸波羅蜜亦是菩薩善知識之
二者菩薩應當親近出家亦當親近
阿蘭若法離於女色及諸者欲不與
世人而共從事三者菩薩應當自觀
形如糞土但盛臭穢風寒熱血無可
貪者日當就死宜思厭離精勤脩道
四者菩薩應當常行和忍恭敬柔順
亦勸化他人令住忍中五者菩薩應
當修集精進常生慙愧敬奉師長憐
愍窮下見厄苦者以身代之六者菩
薩應當修習方等大乘諸菩薩藏佛
所讚法受持讀誦七者菩薩應當親
近修習第一義諦所謂實相一相无
相若諸菩薩欲疾速得无上菩提
應當親近如是七法復次若人發菩
提心以有所得故於无量阿僧祇劫
修集慈悲喜捨布施持戒忍辱精進
禪定智慧當知是不離生死不向
菩提何以故有所得心及諸得見陰

發菩提心經論下卷 第三之三

界入見我見人見眾生見壽命見志
悲喜捨施戒忍進定智等見取要言
之佛法僧見及涅槃見如是有所得
見即是執著心執著者是名邪見所
以者何邪見之人輪轉三界永離出
要是執著者亦復如是永離出要終
不能得阿耨多羅三藐三菩提若人
發菩提心應當觀察是心空相何等
是心空何空空相心名意識即是識陰
意入意界心空相者心無心相亦无
作者何以故是心相空无有作者無使
作者若無作者則无作相若菩薩解
了如是法者於一切法即無執著无
執著故於諸善惡解无果報於所習
慈了无有我於所習悲了无眾生於
所習喜了无有命於所習捨了无有
人雖行布施不見施物雖行持戒不
見淨心雖行忍辱不見眾生雖行精
進无離欲心雖行禪定无除惡心雖
行智慧心无所行於一切緣皆是智
慧而不著智慧不得智慧不見智慧
行者如是修行智慧而无所修亦無
不修為化眾生現行六度而内清淨

發菩提心經論下卷 第三之三

行者如是善修其心於一念頃所種
善根福德果報无量無邊百千萬億
阿僧祇劫不可窮盡自然得近阿耨
多羅三藐三菩提

發菩提心經論空無相品第十一

性昔一時佛在迦蘭陀竹林與諸大
眾无量集會尔時世尊宣正法告
諸大眾如來所說諸法无性空无所
有一切世間所難信解何以故色无
縛無解受想行識无縛無解色无相
離諸相受想行識無相離諸相色无
念離諸念受想行識无念離諸念眼
色耳聲鼻舌香味身觸意法亦復如
是无取無捨无垢無淨无去無來无
向無背无聞無明无礙無慧非此岸
非彼岸非中流是名无縛無縛故空
空名无相無相亦空是名為空空名
無念无念亦空是名為空空念亦空
是名為空空中无善無惡乃至亦无
空相是故名空空菩薩若如是知陰界
人性即不取著是名法忍菩薩如是
忍故得授記忍諸佛子譬如菩薩仰
言虛空志寫如來十二部經經无量

發菩提心經論下卷 第三之三

初佛法已滅求法之人無所見聞衆生顛倒造惡無邊復有他方淨智慧人憐愍衆生廣求佛法行到於此見空中字文畫分明即便識之讀誦受持如所說行廣演分別利益衆生此書空者識空字人可思議不而得宣傳修習受持引導衆生令離繫縛諸佛子如來說言過去世時求菩提道得值三十三億九萬八千諸佛令時皆為轉輪聖王以一切樂具供養諸佛及弟子衆以有所得故不得授記於後復值八萬四千億九萬辟支佛亦以四事盡形供養過是以後復值六百二十萬一千二百六十一佛令時皆為轉輪聖王以一切樂具盡形供養諸佛滅後起七寶塔供養舍利後佛出世奉迎勸請轉正法輪供養如是百千萬億諸佛是諸如來皆於空法中說諸法相以有所得故亦不得授記如是展轉乃至得值然燈佛興見佛聞法即得一切无生法忍得是忍已乃得授記然燈如來於空法中說諸法相度脫無量百千衆生而

發菩提心經論下卷 第五

无所說亦無所度卒且世尊與出於世於空法中說有文字示教利喜菩提受行而无所示亦無受行當知是法性相盡空書者亦空識者亦空說者亦空解者亦空從本來空未來亦空現在亦空而諸菩薩積集万善方便力故精勤不懈功德圓滿得阿耨多羅三藐三菩提此實甚難不可思議於无法中說諸法相於无得中說有得法如此之事諸佛境界以元量智乃可得解非是思量所能得知新發意菩薩誠心敬仰愛樂菩提信佛語故漸能得入玄何為信信觀四諦除諸煩惱妄見結縛得阿羅漢信觀十二因緣滅除無明生起諸行得辟支佛信修四無量心六波羅蜜得阿耨多羅三藐三菩提是名信忍衆生於无始生死取相執著不見法性當先觀察自身五陰以名衆生是中无我无有衆生何以故若有我者我應自在而諸衆生常為生老病死之所侵害不得自在當知无我無我即无作者無作者亦无受者法性清淨如

發菩提心經論下卷 第五

實常住如是觀察未能究竟故名順忍菩薩修信順忍已不久當成取上法忍

發菩提心經論下卷 第十二

菩薩具足修無相心而心未曾住於作業是菩薩於諸業相知而故作為修善根求菩提故不捨有為為諸衆生修大悲故不住无為為一切佛真妙智故不捨生死為度無邊衆生令无餘故不住涅槃是名菩薩摩訶薩深心求阿耨多羅三藐三菩提諸佛子菩薩成就十法終不退失无上菩提何謂為十一者菩薩深發無上菩提之心教化衆生亦令發心二者常樂見佛以已所珍奉施供養深種善根三者為求法故以尊敬心供養法師聽法无厭四者若見比丘僧壞為二部于起諍訟共相過惡勤求方便令其和合五者若見國土邪惡增上佛法欲壞能讀誦說乃至一偈令法不絕專心護法不惜身命六者見諸衆生恐畏苦惱為作救護施以无畏七者發勤修行求如是等方等大乘

發菩提心經論下卷 第十二

甚深經法諸菩薩藏八者得是法已
受持讀誦如所說行如所說住九者
自住於法亦能勸導令多衆生入是
法中十者入法中已能為解說示教
利喜開悟衆生菩薩成就如是十法
於无上菩提終不退失菩薩應當如
是修行此經如是經典不可思議所
謂能生一切大慈悲種是經能開悟
引導具縛衆生令其發心是經能為
向菩提者而作生因是經能成一切
菩薩無動之行是經能為過去未來
現在諸佛之所護念若有善男子善
女人欲勤修集无上菩提當廣宣流
布如是經典於閻浮提使不斷絕令
无量無邊衆生得聞是經若有善男
子善女人聞是經者是諸人等悉得
猛利不可思議大智慧聚不可稱量
福德果報所以者何是經能開無量
清淨慧眼能令佛種相續不斷能故
无量苦惱衆生能照一切無明癡闇
能破四魔及諸魔業能壞一切外道
邪見能滅一切煩惱大火能消因緣
生起諸行能斷慳貪破我瞋恚解怠

發菩提心經論下卷 第十八卷

亂意愚癡六極重病能除業障報
障法障煩惱障諸見障无明障智障
智障取要言之此經能令一切惡法
消滅無餘能令一切善法熾然增長
若有善男子善女人聞是經已歡喜
愛樂生希有心當知是人已曾供養
无量諸佛深種善根所以者何此經
是三世諸佛之所履行是故行者得
聞是經當自慶幸獲大善利若有善
寫讀誦此經當知此人所得福報无
量無邊所以者何此經所緣无边故
興發無量大誓願故攝受一切諸衆
生故莊嚴无上大菩提故所得福報
亦復如是无有限量若能解其義趣
如說修行一切諸佛於阿僧祇劫以
无盡智說其福報亦不能盡若有法
師說是經處當知是中便應起塔何
以故是真實正法所出生處故是經
隨在國土城邑聚落寺廟精舍當知
是中即有法身若人供養香花伎樂
懸繒幡蓋歌頌讚歎合掌恭敬當知
是人已紹佛種况復具足受持經片
定諸人等成就功德智慧在嚴於末

發菩提心經論下卷 第十八卷

末世當得授記決定當成阿耨多羅
三藐三菩提

發菩提心經論下

發菩提心經論下
高麗國大藏都監奉
勅雕造

發菩提心經論下卷 第三十五